

 **Gabungan Bertindak Malaysia**
马来西亚行动方略联盟
மலேசிய செயல்திட்ட கூட்டமைப்பு
Coalition on Plan of Action for Malaysia

c/o KLSCAH-GBM Secretariat, No.1, Jalan Maharajalela 50150 Kuala Lumpur

Tel: 03-22723594 Fax: 03-22724089 HP:012-3206959 Email:infogpoam@gmail.com
website: <http://gbm.org.my>

PRESS CONFERENCE

5th March 2013

**PASON HAAD DO GBM MONTOK POMIHIAN TAGAZO KO 13
(GBM STATEMENT ON 13th GENERAL ELECTION)**

Gabungan Bertindak Malaysia (GBM) iso' piunungan do 25 NGO mantad mogisuusuvai tinau, kotumbazaan, om i okon ko' tutumampung tumanggung do kotuduvan do monuidong do Malaysia di hobi vinasí'.

Miampai nokoiho kozo do Pomihian Tagazo ko 13 no i kopomoobi' susuzan poinbida' do pogun tokou kumaa id pulitik do demokrasi i nokotuo om miho do atanud.

Humaad zikoi doid savi-avi' parti ngaavi' pulitik :-

- i. Do mamantang do pokionuon do tuhun ngaavi' do pomihian di poingabas, aadang om abaakas, om do potogokon kotonudan om kalaalahano' do pomihian doun demokrasi;
- ii. Do mongempen tumanud do polisi om abaabazan ngaavi' i kapaanaak do kounalan kumaa doid layat om pogun, om okon ko' i mogihuhundaat doid tiso' om tiso';
- iii. Do dumadi' do au' moningan popokokos om momitana do ahal ngaavi' di kogompit do ugama, kotinouan, kaanangan do miagoi om kotumbazaan; om
- iv. Do popovoung om umivad do mantad nunu noopo i mangan ngaavi' di kopiimangan / kopibobutan pulitik.

Humaad zikoi doid savi-avi' institut ngaavi' do pogun :-

- i. Do monogok di kotunudan do aiso kotukapan i poinsuat no haid id Kootuulan do Hongkod Pogun.
- ii. Do mintong om papapanau di pomihian ngaavi' doid pinsondii'an om au'-tumukop miaga di pinosuat id Kootulan om undang-undang do maso gunoon (Election Commission-Mangangazu do Pomihian).
- iii. Do migit di tukuan takavas no kozo do monoina' di ahal ngaavi' do Pogun ontok id timpu 'momolinta naamot', om do manakadai di Mangangazu Pomihian (EC) doid kopongozuvan diho' lahan ngaavi' do pomihian (Kotoinaan Tuhun Ginumuan om Kuasa Ngaavi' Mintatamong montok Koumohigan).

- iv. Do monogok di kotunudan tagazo do popibaagi do kuasa ngaavi' Mintatamong Koumohigan ontok momihantoi doid ahal ngaavi' i kogompit do kapaapanai om koikoton do pomihian ngaavi', miampai do aiso koosi toi ko' kotukapan (Kootulan).
- v. Do mamantang di kovutusan do Tuhun Ginumuan om do papatantu' doid pibabasan songian kopoigit do kuasa' do ahapas do PT13. I koponuidangan do polinta' kavavagu (ngaavi') mositi no daa do tumanud do sunduvan om suat do kootulan do Hongkod Pogun om Pogun Ngaavi'.

Humaad zikoi doid kalatas abal om abal elektronik do popoluput kokomoi do pomihian miampai do aadang om kitonggungan om migit do tukuan di takavas no kozo doid kapaabalan tumanud di nunu i kod koulalaho' do kalaja' diti.

Mogunsub zikoi do Tuhun Ginumuan do monoguvang kopotutan kootulan dioho' do mongundi' miampai kitonggungan, kopotutan, om do monoimo di kovutusan di togumu' miaga di pinosuat doid sistom demokrasi parliamen tokou.

Oviton doid kopiumanan, i kopiduvaa ginavo doid pomuandaman ngaavi' do tuhun mantad no di nokopokinangaan do RCI i maamaso no kozo id Sabah, humaad zikoi doid Mangangazu Pomihian (EC) do magahap do Sinompuuvan Pogun (UN) om Commonwealth do mongoi pongiingintong ontok pomihian tagazo. Otumbazaan zikoi do kopotonduhi' iti do kotumbazaan do tuhun ginumuan doid kopomihian di poingabas, aadang om abaakas, om popoinsavat nogi' do upa' do Pogun Malaysia doid mato do pomogunan / tuhun songvinoun.

Touvi no, mositi do poinsoou tokou, do ii nopo demokrasi di poimizau nga' au' i' opupusan songian do opongo o tatau pomihian. Tuhun ngaavi' mositi' no do maganu tonggungan montok do timpu mikot dotokou om monuu' do polinta' om parti ngaavi' pulitik do maganu tonggungan do mamantang di dandi' ngaavi' dioho' ontok di Pomihian. Montok diti, humaad o GBM doid savi-avi' i nokogompit do mampazat tomoimo doid koposukuan do monogok no diti demokrasi di upuson tokou.

Itia no ngaavi' i 25 Kotinanan i poimpuu do GBM :

- 1) Kuala Lumpur & Selangor Chinese Assembly Hall (KLSCAH)
- 2) Aliran
- 3) Tamil Foundation
- 4) Pertubuhan IKRAM Malaysia (IKRAM)
- 5) Majlis Perundingan Malaysia Agama Buddha; Krisitian; Hindu; Sikh dan Tao (MPMA-BKHST)
- 6) Negeri Sembilan Chinese Assembly Hall (NSCAH)
- 7) Penang Chinese Town Hall (PGCTH)
- 8) The Federation of Chinese Associations Johore State (FCAJ)
- 9) Lim Lian Geok Cultural Development Centre (LLG)
- 10) United Chinese School Alumni Associations of Malaysia (UCSAAM)
- 11) Muslim Professionals Forum (MPF)
- 12) Suara Rakyat Malaysia (SUARAM)
- 13) Pusat Komunikasi Masyarakat (KOMAS)
- 14) Saya Anak Bangsa Malaysia (SABM)
- 15) Persatuan Masyarakat Selangor dan Wilayah Persekutuan (Permas)
- 16) National Indian Rights Action Team (NIAT)
- 17) People's Green Coalition (PGC)
- 18) Anak Muda Sarawak (AMS)
- 19) All Women's Action Society (AWAM)
- 20) Partners in Community Organising (Pacos Trust)
- 21) Persatuan Bekas Siswazah Universiti dan Kelej di China, Malaysia (Liu-Hua)
- 22) Nanyang University Alumni Malaya (Nanda)
- 23) Japan Graduates Association, Malayia (JAGAM)
- 24) Gabungan Persatuan Alumni Universiti Taiwan Malaysia (GPAUTM)
- 25) Islamic Renaissance Front (IRF)